

CIENCIAS NATURAIS 6º

Nome _____ Data _____

REPASA ESTA INFORMACIÓN.

As enfermidades prodúcense cando o noso corpo deixa de funcionar correctamente.


Segundo o modo en que aparecen e o que duran as enfermidades poden clasificarse en:

- **Enfermidades conxénitas:** aparecen no mesmo momento de nacer.
- **Enfermidades agudas:** adoitan presentarse de repente e durar pouco.
- **Enfermidades crónicas:** duran moito tempo, algunhas toda a vida.

Tamén é posible clasificar as enfermidades dependendo da causa que as orixina.

- As **enfermidades infecciosas** están provocadas por virus, bacterias, fungos ou protozoos. Estas enfermidades son contaxiosas porque se transmiten dunha persoa a outra mediante o contacto físico directo ou por contacto co sangue, saliva ou outros fluídos dunha persoa infectada.
- As **enfermidades non infecciosas** teñen a súa causa no mal funcionamento dalgún órgano ou na falta dalgún elemento necesario.

1 Completa o esquema.



2 Que significa que unha enfermidade é contaxiosa? Cita algunha que coñezas e, se o sabes, explica como se pode contaxiar esa enfermidade a outras persoas.

REPASA ESTA INFORMACIÓN.

Ter boa saúde pode conseguirse mediante a **prevención** practicando **hábitos de vida saudables**; así podemos evitar que apareza a enfermidade. A hixiene, unha dieta sa e variada, descansar e facer exercicio habitualmente son algúns deses hábitos.

Os **medicamentos** son substancias que se empregan para previr, aliviar ou curar as enfermidades. Poden presentarse como pastillas, pomadas, xaropes, etc.

Os **antibióticos** son un tipo de medicamentos que se usan para combater as enfermidades infecciosas producidas por bacterias.

As **vacinas** serven para previr algunhas enfermidades provocadas por microorganismos. A vacina contén os microorganismos que causan a enfermidade debilitados ou mortos e fai que o corpo cree defensas contra eles.

A **cirurxía** actúa sobre o corpo mediante instrumentos para reparalo e curalo como cando rompemos un óso.

1 Contesta as seguintes preguntas:

- Lavar as mans antes de comer é un hábito saudable. Por que?

- Cres que cepillar os dentes é unha forma de previr enfermidades? Cales?

- Para que serven as vacinas?

2 Completa as frases escribindo as palabras que faltan.

antibióticos – vacinas – medicamentos – cirurxía

Os medicamentos que curan enfermidades producidas por bacterias son os _____.

Algunhas enfermidades causadas por microorganismos pódense previr coas _____.

As substancias que se utilizan para aliviar ou curar enfermidades chámanse _____.